

КАНОН ПОКАЯННЫЙ КО ГОСПОДУ НАШЕМУ ИИСУСУ ХРИСТУ *

Глас 6-й.

Песнь 1

Ирмос: Яко по сѹху пешешествовав Израиль, по бѣздне стопами, гонителя фараона видя потопляема, Богу побѣдную песнь поим, вопияше.

Припев: Помилуй мя, Бже, помилуй мя.

Нѣне приступих аз грешный и обремененный к Тебѣ, Владыце и Богу моему; не смѣю же взирати на небо, токмо молбюся, глаголя: даждь ми, Господи, ум, да плачуся дел моих горько.

О, горе мне грешному! Паче всех человек окаянен есмь, покаяния несть во мне; даждь ми, Господи, слезы, да плачуся дел моих горько.

Слава: Безумне окаянне человеце, в лености время губиши; помысли житие твое, и обратися ко Господу Богу, и плачися о делех твоих горько.

И ныне: Мати Божия Пречистая, возри на мя грешнаго, и от сѣти диаволи избави мя, и на путь покаяния настави мя, да плачуся дел моих горько.

Песнь 3

Ирмос: Несть свят, якоже Ты, Господи Бже мой, вознесый рог верных Твоих, Блаже, и утвердивый нас на камени исповѣдания Твоего.

Внегда поставлени будут престолы на Судищи Страшнем, тогда всех человек дела обличатся; горе тамо будет грешным, в муку отсылаемым; и то ведущи, душе моя, покайся от злых дел твоих.

Праведницы возрадуются, а грешнии восплачутся, тогда никтоже возможет помощи нам, но дела наша осудят нас; темже прежде конца покайся от злых дел твоих.

Слава: Увы мне великогрешному, иже делы и мыслями осквернився, ни капли слез имею от жестосердия; нѣне возникни от земли, душе моя, и покайся от злых дел твоих.

И ныне: Се, взывает, Госпоже, Сын Твой, и поучает нас на доброе, аз же грешный добра всегда бѣгаю; но Ты, Милостивая, помилуй мя, да покаюся от злых моих дел.

* В пасхальную седмицу вместо канонов покаянного, Богородице и Ангелу хранителю читается канон Пасхи.

Седален, глас 6-й

Помышляю день страшный, и плачуся деяний моих лукавых: како отвещаю Безсмертному Царю, или коим дерзновением воззрю на Судию, блудный аз? Благоутробный Отче, Сыне Единородный, и Душе Святой, помилуй мя.

Слава Отцу, и Сыну, и Святому Духу, и ныне и присно, и во веки веков. Аминь.

Богородичен

Связан многими ныне пленницами грехов, и содержишь лютыми страстьми и бедами, к Тебе прибегаю, моему спасению, и вопию: помози ми, Дево, Мати Божия.

Песнь 4

Ирмос: Христос моя сила, Бог и Господь, честная Церковь боголепно поет, взываючи от смысла чиста, о Господе празднующи.

Широк путь zde и угодный сласти творити, но горько будет в последний день, егда душа от тела разлучатися будет: блюди́ся от сих, челове́че, Царства ради Божия.

Почто́ убогаго обидиши, мзду наёмнику удержуеши, брата твоего не любиши, блуд и гордость гониши? Оста́ви убо сия, душе́ моя, и пока́йся Царства ради Божия.

Слава: О безумный челове́че, доколе углебаеши, яко пчела, собираючи богатство твоё? Вскоре бо погибнет, яко прах и пепел; но более́ взыщи́ Царства Божия.

И ныне: Господже́ Богородице, помилуй мя грешнаго, и в добродетели укрепí, и соблюди́ мя, да наглая смерть не похитит мя неготоваго, и доведи́ мя, Дево, Царства Божия.

Песнь 5

Ирмос: Божиим светом Твоим, Блаже, утренюющих Ти души любовью озари, молюся, Тя ведети, Слове Божий, истиннаго Бога, от мрака греховнаго взывающа.

Вспомяни́, окаянный челове́че, како лжам, клеветам, разбою, немощем, лютым зверем, грехов ради порабощен еси; душе́ моя грешная, того ли восхотела еси?

Трепещут ми уди, всеми бо сотвори́х вину́: очима взира́яй, ушима слы́шай, языком злая глаголя́й, всего себе́ геенне преда́яй; душе́ моя грешная, сего ли восхотела еси?

Слава: Блудника и разбойника кающася приял еси, Спасе, аз же един леностию греховною отягчихся, и злым делом поработихся; душе моя грешная, сего ли восхотела еси?

И ныне: Дивная и скорая Помощнице всем человеком, Мати Божия, помози мне недостойному, душа бо моя грешная того восхотела.

Песнь 6

Ирмос: Житейское море воздвигаемое зря напастей бурю, к тихому пристанищу Твоему притек, вопию Ти: возведи от тли живот мой, Многомилостиве.

Житие на земли блудно пожих, и душу во тьму предах, ныне убо молю Тя, Милостивый Владыко: свободи мя от работы сей вражия, и даждь ми разум творити волю Твою.

Кто творит таковая, якоже аз? Якоже бо свиния лежит в калу, тако и аз греху служу. Но Ты, Господи, исторгни мя от гнуса сего, и даждь ми сердце творити заповеди Твоя.

Слава: Восприни, окаянный человеке, к Богу, вспомняув свои согрешения, припадая ко Творцу, слезя и стня; Тойже яко милосерд, даст ти ум знати волю Свою.

И ныне: Богородице Дево, от видимаго и невидимаго зла сохрани мя, Пречистая, и прими молитвы моя, и донеси я Сыну Твоему, да даст ми ум творити волю Его.

Кондак

Душе моя, почто грехами богатееши, почто волю диаволу творяши, в чесом надежду полагаеши? Престани от сих, и обратися к Богу с плачем, зовущи: Милосерде Господи, помилуй мя грешнаго.

Икос

Помысли, душе моя, горький час смерти и страшный суд Творца твоего и Бога: Ангели бо грознии поймут тя, душе, и в вечный огонь введут; убо прежде смерти покайся, вопиющи: Господи, помилуй мя грешнаго.

Песнь 7

Ирмос: Росодательну убо пещь содела Ангел преподобным отроком, халдеи же опаляющее веление Божие мучителя увещая вопити: благословен еси, Боже отец наших.

Не надейся, душе моя, на тленное богатство и на неправедное собрание, вся бо сия не веси кому оставиши, но возопий: помилуй мя, Христе Боже, недостойнаго.

Не уповай, душе моя, на телесное здравие и на скоромимоходящую красоту: видиши бо, яко сильнии и младии умирают; но возопий: помилуй мя, Христэ Бóже, недостóйнаго.

Слава: Воспомяни, душе моя, вѣчное житиѣ, Царство Небесное, уготованное святым, и тьму кромешнюю, и гнев Бóжий злым, и возопий: помилуй мя, Христэ Бóже, недостóйнаго.

И ныне: Припадѣ, душе моя, к Бóжией Матери, и помолѣся Той: есть бо скорая Помощница кающимся, умолит Сына Христа Бóга, и помилует мя недостóйнаго.

Песнь 8

Ирмос: Из пламене преподобным росу источил еси, и праведнаго жертву водою попалил еси: вся бо твориши, Христэ, токмо еже хотети. Тя превозносим во вся вѣки.

Како не имам плакаться, егда помышляю смерть? Видех бо во гробе лежаща брата моего, безславна и безобразна. Что убо чаю, и на что надеюся? Токмо даждь ми, Господи, прежде конца покаяние. *(Дважды.)*

Слава: Вѣрую, яко приидеши судити живых и мертвых, и вси во своем чину станут, старии и младии, владыки и князи, дѣвы и священницы; где обрящуся аз? Сего ради вопию: даждь ми, Господи, прежде конца покаяние.

И ныне: Пречистая Богородице, прими недостóйную молитву мою, и сохрани мя от наглыя смѣрти, и даруй ми прежде конца покаяние.

Песнь 9

Ирмос: Бóга человеком невозможно видети, на Негоже не смѣют чини Ангельстии взирати; Тобою же, Всечистая, явися человеком Слово воплощено; Егоже величающе, с Небесными вои Тя ублажаем.

Ныне к вам прибегаю, Ангели, Архангели, и вся Небесныя Силы, у Престола Бóжия стоящии, молитесь ко Творцу своему, да избавит душу мою от мѣки вѣчныя.

Ныне плачуся к вам, святѣи патриарси, цари и пророцы, апостоли и святители, и вси избраннии Христовы: помозите ми на Судѣ, да спасет душу мою от силы вражия.

Слава: Ныне к вам воздежу рѣце, святѣи мученицы, пустынницы, дѣвственницы, праведницы, и вси святѣи, молящися ко Господу за весь мир, да помилует мя в час смѣрти моея.

И ныне: Мати Божия, помози ми, на Тя силне надеющемся, умоли Сына Своего, да поставит мя недостойного одесную Себе, егда сядет судий живых и мертвых. **Аминь.**

Молитва ко Господу нашему Иисусу Христу

Владыко Христе Боже, Иже Страстьми Твоими страсти моя исцеливый, и язвами Твоими язвы моя уврачевавый, даруй мне, много Тебе прегрешившему, слезы умиления; сраствори моему телу от обоняния Животворящаго Тела Твоего, и наслади душу мою Твоею Честною Кровию, от горести, еюже мя сопротивник напои; возвыси мой ум к Тебе, долу поникший, и возведи от пропасти погибели, яко не имаю покаяния, не имаю умиления, не имаю слезы утешительныя, возводящая чада ко своему наследию. Омрачихся умом в житейских страстях, не могу воззрети к Тебе в болезни, не могу согреться слезами яже к Тебе любви. Но, Владыко Господи Иисусе Христе, Сокровище благих, даруй мне покаяние всецелое и сердце люботрудное во зыскание Твое, даруй мне благодать Твою, и обнови во мне зраки Твоего образа. Оставих Тя, не остави мене; изыди на зыскание мое, возведи к пажити Твоей, и сопричти мя овцам избраннаго Твоего стада, воспитай мя с ними от злака Божественных Твоих Таинств, молитвами Пречистыя Твоея Матере, и всех святых Твоих. **Аминь.**